

桂平縣志卷九

紀地

墟市

舊志墟里合篇將各墟混載各里甲中不另立專篇但言某里有某墟而已求之府志則以墟市列入山川篇末但言某墟在某里而已至夫城市相距各墟相去南北東西之位置舖戶亭場之多寡貨產進出趁集時期咸闕不錄夫以一縣之大自城池而外凡長官所巡佐貳所駐保衛所設營練所札遊人所宿何一不在於墟市邇者各里小學牛屠雜捐亦莫不出於墟市其關於人事如此其要且切也豈得視爲不

桂平縣志卷玖

紀地 墟市

一

粵東編譯公司承印

足重輕哉禮記王制太史陳詩以觀民風令市納賈以觀民好惡聖人立法固不專重此而輕彼也今次於里甲後立爲此編

覃放墟 在縣東十里軍陵里內自城大南門渡江過下渡頭有石路循路直行不歧涉泥塗便可至墟不誤攷此墟舊在專福嶺之西名巷口墟今其地猶稱巷口街乾隆間始遷建今地地爲覃放嶺故名大小舖戶五十餘家二十年前榨油之舖九間彈棉者七間染布者三間其餘刨烟打銀賣藥蒸酒養燕及雜貨俱有專肆當是時人心樸實盜詐不興物阜價微謀生殊易墟民雞鳴而起月光未落輒身懷巨金遠

行數十里販貨而歸他墟小販來趁集者亦甚早日未三竿人聲已闕蓋承平景象各墟亦多類此嗣以花生產出較之舊日不及十分之二成數銳減榨舖關閉由九間轉爲兩三間今則一間零丁不啻魯國靈光矣加以洋紗洋布洋衫洋絨洋線輸入日多故彈棉之聲消沉不作碾布之石橫臥當階又復頻年水旱盜賊刼途往來負販形影稀疏斜陽在簷猶未成市追比昔年繁盛無異天淵此時運之變遷覃放墟特其小影焉耳墟中有保衛局墟旁有軍陵里高等小學校墟頂有蒙溫氏節孝坊墟北去冲口墟十里東北去平安墟十里又東北去石嘴墟二十里東去馬皮墟三十里東南去

社坡墟二十里西去石冲墟二十里西南去鳳嶺墟三十里石嘴墟 又名中和墟在城東三十里吉二里南江岸上水陸俱通大小舖戶約六十餘間內有當舖榨油舖各二間二十餘年前花生入口甚盛近惟以米爲大宗社坡油蔴各墟之米咸於此出江每墟銷四十餘萬觔故近年雖花生減收而亭場舖店及各雜行貿易較之舊日不若覃放墟之銳減墟內有吉二里保衛局及高等小學校南去社坡二十五里東去馬皮墟十里東南去穆樂墟三十里西南距覃放墟二十里東北去江口墟二十里馬皮墟 在縣東四十五里吉一里灣弓嶺南麓鱸魚嶺北

端偏西舊有布行魚行賭行貨行五街及涼亭商廠各二處因歷遭變亂商民遷徙舖戶崩頽市廛日益摧殘貿易日加零落不復如前熙來攘往之象矣現存商舖十五間民戶五十家世遠年湮不知結集何時以墟邊太安寺碑考之大約至近在明清間墟西南距社坡二十里東南去穆樂二十五里三墟鼎立勢成三角形

社坡墟 在縣東三十里吉一里內舊在東安橋畔名新墟同治年遷移今地大小舖戶約六十餘家有當舖一上年花生入市不少近則大不如前矣但東南各處穀米多積於此以轉運石嘴兼有鉄器製造爲人日用所需故市況亦不甚

桂平縣志卷玖

紀地 墟市

三

粵東編譯公司承印

寂寞墟中有吉一里高等小學校墟東北距馬皮墟十五里又北去石嘴墟二十里東去穆樂墟二十五里南去籐竹墟三十五里西南去油麻墟三十里
穆樂墟 在縣東五十五里吉一里東邊近平南界往年輪航未興平南人來桂平者路必經墟過墟內大小舖戶約百間內有當舖一谷米銷流頗旺西距社坡墟式十五里西北距馬皮墟二十五里西南距籐竹墟三十里
竹社墟 在縣東六十里西距馬皮墟二十里
油麻墟 在縣南七十里下秀里上稠堡通羅秀大小舖戶約五十餘間內有當舖一蘇杭舖三茶葉玉桂桂油苧蔴谷

米牛燕俱盛下秀里保衛局在焉東北去社坡墟三十里東去筭竹墟十二里西北去鳳嶺墟二十里西去麻洞墟三十里筭竹墟在縣南七十里下秀里內大小舖戶二十餘間舊有當舖一今閉西去油麻墟十二里北去社坡墟二十五里東去穆樂墟三十里

麻洞墟在縣南八十里上秀中秀下都三里之交故又名三里墟通中都羅秀上下秀里大小舖戶約八十餘間內有當舖一蘇杭舖四三都五秀八里局在焉東去油麻墟三十里東北去湓垌墟三十里南去大洋墟五十里西北去官江三十里又西北去下灣四十里

桂平縣志卷玖

紀地 墟市

四

粵東編譯公司承印

鳳嶺

詳古蹟

湓洞墟在縣南五十里中秀里耀村南隅大小舖戶數家西南去馬垌三十里東南去油麻二十里西北去鳳嶺墟十二里

永華墟在縣南八十里中都里內西距下灣三十里東距麻洞三十里舖戶約四五十間

木根墟在縣南百里中都里近都合村西北距官江五十里西距永華墟二十里東距麻洞墟三十五里舖戶約四五十間內小押一以鹽米爲大宗

大洋墟在縣南百二十里上都里內大小舖戶二百餘家

舊有當舖三間今存一間北距麻洞墟五十里行市以米爲大宗
洞心墟 在縣南一百二十里秀一里馬塘堡
南陽墟 在縣南一百五十里秀一里南鄉村
沙坡墟 在縣南一百餘里秀一里六石堡咸豐間成市
中和墟 在縣南一百二十里秀一里中團堡有茶葉名中和茶
通濟墟 在縣南一百三十餘里秀二里莫村堡
下灣墟 在縣南七十里上秀里鷄公塘谷米油豆銷流頗廣二十餘年前縣東南各墟商多於此采貨運售

桂平縣志卷玖

紀地 墟市

五

粵東編譯公司承印

石冲墟 在縣西三十餘里永和里內舖戶十數家所業醫藥雜貨而已西去官江八里東去覃放墟三十里
官江墟 在縣西五十里大小舖戶十數家水路半日可至南八里人出入城鄉咸於此換易舟輿東南去麻垌墟三十里東距石冲墟八里
蒙墟 在縣西三十里趙里內大小舖戶約五十餘家內有當舖一谷米雜梁牛豕貿易俱盛花生閏時榨業亦富今衰矣西去鎮隆墟三十里西北去官橋墟二十里貴縣武宣來本縣城交會之處在是焉
鎮隆墟 在縣西六十里厚祿三里內大小舖戶數間東距

蒙墟三十里西去大墟三十里

大墟 又名平竭墟在縣西九十里厚祿里內界貴縣大小舖戶百數十家當舖二間墟地面積比江口墟稍廣而資本未逮谷米襍糧牛燕俱爲大宗東距鎮隆墟三十里西去貴縣城五十里

石龍墟 在縣西八十里武平里內大小舖戶共二百餘間內當舖一谷米最盛舊爲獐人聚起之地今已漸同化不可辨識矣東距蒙墟五十里距鎮隆二十里與貴縣新墟隔河爲隣

白沙墟 在縣西七十里厚祿一里內西去嶺尾墟二十里

桂平縣志卷玖

紀地 墟市

六

粵東編譯公司承印

大小舖戶數十家當舖一家谷米最盛

嶺尾墟 在縣西八十里厚祿二里內東出白沙二十里

官橋墟 在縣西五十里甫里內東南距蒙墟二十里

大灣墟 在縣南九十里上都里內大江之邊谷米出入之

埠舊爲塘汛地故名

白沙墟 在縣北五里崇姜里江岸南與東塔相值墟在江

沙中無舖戶亭場七八月間爲花生銷運之所

和社墟 在縣北十里崇姜里內舖戶寥落惟亭場數處而

已南行十餘里爲南淥墟

南淥墟 在縣北三十里崇姜里內有南淥小河自弩灘左

東流四十里至墟邊故以南淥名大小舖戶約二十餘間內有當舖一蘇杭舖二食物雜貨二藥材一春夏水漲銀魚入市東行三十里爲新墟

新墟 在縣北宣一里西距南淥三十里距城六十里東去江口墟二十五里有街道三條大小舖戶約百家內有當舖一蘇杭舖五錠舖二染房七舊有設巡檢同治間移置江口墟桂北宣姜三里總局現在墟內北行三十里爲三江墟三江墟 在宣一里紫荊水旁大小舖戶十數間紫荊山之藍筍多於此發沽

長江墟 在縣北八十里宣一里內界平南舖十數間距新

桂平縣志卷玖

紀地 墟市

七

粵東編譯公司承印

墟三十里距三江墟亦三十里

江口墟 一名永和墟在縣北六十里宣一里南居潯江北岸營嘴地爲大湟江水口故又名湟江墟舊在墟西對岸爲獠人貿易場乾隆間遷今地清世獠人遠遁外籍日衆墟漸繁盛加同光而後潯州府城設立厘金入口加稅船戶過而不留咸集此墟銷運復有獠山土貨大宗雲集流通東西而附近石咀新墟南淥與平南之思旺墟來**趁**者皆有水路可達故昔日縣城繁盛景象盡爲此墟所奪爲全省各墟之冠計大小舖戶約百餘家人口三千有餘內有當舖二大酒館二小者不計山貨舖五蘇杭舖十二雜貨藥材之屬咸以十

數船槳灣泊多於縣城南北河數倍大街二條沿江石級石
路工程逾萬金同治間移新墟巡檢於此今爲桂北保衛局
舊有卡戶鹽關今廢墟內郵政電局俱備商人向設勇自護
近復擬設兵房電燈局焉復有宣里高等小學校一女學校
二

附墟期據訪冊錄出其
不知者闕之

子午外酋 覃放墟 夢墟 大墟 穆樂墟 油麻墟

和社墟 大黃江墟 官江墟

辰戌丑未 街墟 三江墟 湓洞墟 鎮龍墟 石龍墟

頭塘墟頭塘見
城池 社坡墟 長江墟 馬皮墟

桂平縣志卷玖

紀地 墟市

八

粵東編譯公司承印

寅申己亥 石嘴墟 南淥墟 大洋墟 籐竹墟 大宣

墟 麻洞墟 官橋墟 竹社墟